

增補卷一之卷三

增補卷之三

井之沈錦垣署



四

光緒庚寅仲夏上澣
歸樂山房校刊銅版

尙友錄序

生乎古人之後莫不欲盡取其前言往行而識之識之而得或失則泛識之而不得或失則漏漏與泛皆非善友古人也善友古人者得其綱領而舉之雖古人與我遠隔數千百年若聚一堂又安在前言往行不可得而識乎廖君賓于昔樵川宿學也嘗彙集古人事實以韻爲綱以姓爲目一展卷而如見其家世焉如見其生平焉名曰尙友錄行世久矣余視學茲土得其書而閱之掩卷歎曰爲此書者匪但尙友古人其亦有資初學乎夫以韻爲綱按韻而得其姓則不至於泛以姓爲目按姓而得其人則不至於漏不泛不漏凡古人一言一行無不歷歷目前可無我不見古人之恨矣或曰是書非端爲考姓問族惟取有資於詩文者採之今人贈答詩文率皆拾取古人姓字餽飭湊

合全無義味爲此書者得無開若輩一便門乎余曰否否善友
古人者不若是杜子美作詩字字必有來歷其雄渾之氣自然
高老獨成大家豈淺見寡聞者所可望其涯際耶至於點鬼遺
譏祭魚致誚雖日取古人之前言往行而識之豈廖君尙友之
志也哉

時

康熙丙午仲春花朝督學使者山陽陸求可譔

凡例

一尚友錄一如萬姓統譜所編分列各韻之下其事實則世說新語初潭集氏族大全姓源珠璣一統志廣輿記高士傳聖門人物志百將傳列仙傳十收其九間取綱目通鑑子史諸書以補其遺

一氏族姓源廣輿等書或一人而摘其一二事或一事而摘其一二語雖曰碎金恐非全璧故凡有可考者必究其終始而詳述之

一名媛豔質初欲於各姓附見但搜羅欲廣篇牘恐繁故另編女史以佐揮毫

一是書或以父爲綱而附子姓於其下或以兄爲綱而附弟姪於其下要令展卷之時源委宛然在目

一西漢末有兩王商一賢一否東漢初有兩王羈一隱一仕故各於分註辨別之他如李綱張齊賢其在唐宋俱表表者但朝代不同爵里亦異觀者當自得之餘皆倣此

一世說自德行至讎隙折爲三十六條有一人而兼數事者逐條分疏恐初學之士得此忘彼今合併而歛叙其人之下

一統譜志在兼收其書非出一人之手故中有一人而甲乙分裂者如方山子龍丘居士之類是也有一事而彼此疊見者如羊角哀左伯桃之類是也至公仲連則逸其名而編爲公仲南宮滔則遺其姓而編爲宮滔其誤尤甚俱爲

刪正

一望族必拔其尤至於僻姓間有一善者亦錄

一是書原非端爲考姓問族而設惟取有資於詩文者採之
標以尙友志景仰也故芳行懿軌雖單詞片長必錄至僉
人穢跡間或及之然千百中僅僅一二耳

一常用故典間遺一二至奇僻之事則增入爲多

一高僧逸民無姓氏可紀者則就其生平所友善而附見其
下

一不佞資穎最拙因手錄是書以佐遺忘初非有意於傳世
邇以請正大方謬謂有裨初學故不揣遼豕遂爲木災其
刪繁補漏則深有望於博雅之君子

尙友錄自敘

夫芳標顯植閱千古以常新雅志潛孚詎一世之可錮况竊比
獲聞於尼父而論世奉教於子輿縱往哲先賢骨雖已朽迺奧
篇隱帙途有必經故近追雅調於三唐杜甫何慚撫實卽遠遡
長才於兩漢司馬豈能鑿空或棄產營書輕百城而何假或抽
奇探秘恥一事之不知此虞卿借著述以舒愁昭裔因發憤而
鏤板夫豈溺情於糟粕要皆託意於蹄筌不佞博遜揚雄敏慙
應鳳五十紙日課效袁峻之借鈔三十卷分門倣柳氏之自備
計其編纂聊侂遺忘甘露巖中幾經映雪翠屏山下每費囊螢
用意搜今側身懷古若世說新語雖曰精詳而下士咸苦其散
見如萬姓統譜固云該博而有識或病其濫收氏族姓源事實
中多不核廣輿一統人物原非特編爰取諸家叅以臆見韻爲

綱姓爲目俱出成書繁者刪漏者補僭隙一得鬼簿之誚實所
不辭肉譜之稱曷其能副標曰尚友常伴遊蹤邇以請政大方
謬謂有裨初學頓忘蠡測遂爲木災詫遼豕以爲奇一隅自局
抱醯雞而自炫六合全迷佯鸞車前類獻文心於沈約遙擲戶
外辟呈四本於嵇康總以資籍於詩文非顓辨別乎姓氏其鳩
工助費則郢中胡父母居多至引緒發端則若下蔡公祖爲倡
用敍巔末并紀歲時萬歷四十有五年季夏朔日吸露齋居士
賓于廖用賢謹題

尙友錄總目

卷之一

一東東童翁駿蒙豐鄧馮熊洪种

終戎衷宮風鴻桐

二冬封宗鍾龔龍雍共松嵩庸恭

三江江雙龐逢

四支支施隨祁皮訾時池師耆伊

姬郗槩儀兒危眭岐离斯彌

僖脂茨猗眉綦夷飢糜

五微韋歸

卷之二

六魚徐余舒魚諸儲於胥蘧初茹

鉏疏疎閭如沮

七虞虞朱吳胡盧

卷之三

于俞蘇符苻巫吾區瞿烏都
須殳蒲母扶狐塗無盱

八齊齊倪黎嵒奚邽稽

九佳柴

十灰裴梅枚雷來崔臺開哀梔

十一真辛荀郇

卷之四

陳甄秦申眞輪新彬

十二文文殷雲云君

十三元元孫

卷之五

溫袁原源轅爰垣樊言敦論

渾根繁

十四寒韓桓潘安樂檀干官乾蘭寒

邦冠

十五刪顏山班關環

卷之六

一先先錢田邊權燕牽全泉連宣

然鮮延堅弦元縣芊編娟縣

纏縛淵顓鉗顓

二蕭蕭姚饒焦譙刁晁橋喬苗銑

堯要昭招聊鄒朝

卷之七

三肴包茅巢膠

四豪高曹陶毛勞敖臯漕毫

五歌何羅柯和過阿曷

六麻花夸沙余衙查車家麻巴

卷之八

七陽張

卷之九

王

卷之十

陽揚陽羊黃湯唐方章姜莊

卷之十一

汪梁房臧郎常桑匡康商杭
强蓑倉皇光長叩將襄香芒
防

八庚程明成彭平京荆征庚更名
英營羸榮

九青丁邢靈青

十蒸凌滕曾應承稱憑僧弘昇

十一尤周

卷之十二

劉丘尤游鄒牛樓婁侯牟畱
仇裘求由歐區州勾優秋不

修騶彪句稠

卷之十三

十二侵金林任岑黔琴禽臨陰謹欽

十三覃潭談甘南藍郊

十四鹽嚴閤詹廉

十五咸咸汜

一董董孔

卷之十四

二腫鞏奉

三講項

四紙李

卷之十五